



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 112. De bonis traditis in villa Wuringereshusen in pago Hlisgo, et de origine comitum de Lutterberg.

urn:nbn:de:hbz:466:1-36114

Ab anno 826 usque 853 imperante Hludouico et
 friedhard hugold uuulping halachbold thanmer theoduuard bernold folc-
 uuart asi uuicbert eisuard odbert bernheri haddi euuardac had hemmic
 fini hathubert bruno hrothuuerc eilbert ecbert.

§. 112.

Tradiderunt hemmo et helmric et alerdag aldric folchard in *uuuringereshusen* (O) quiddid habuerunt unde isti sunt testel gherold aluini hildiuerct folcheri et alii quinque.

§. 113.

domum pertinentibus, *Hemmicum* fuisse praesentem, qua eorum consanguineum. Sed vinculum genealogicum cum illis inuicem ostendere non licet. Fortassis subest *Hemmic*, qui in his traditionibus (§. 105. 109. et 111.) reperitur, nomini *Hemme*, quem in tabula genealogica Widekindea filium Bennonis I appellauimus, ducti nutu diplomatis cuiusdam caesarei. Hoc autem si ponas, *Hemmic*, qui (§. 125. 142. 155. et 256.) inter testes apparet, ab illo diuersus fuisset, quia *Hemme*, testante diplomate Hludouiciano, iam anno 839 inter mortuos erat. Fortasse iunior senioris nepos ex fratre fuit. De *Hathuberto* vide supra §. 104. not. (f). De *Hrotbwerum* vero obseruandum est, §. 231. appellari propinquum feminae Folclog, e stirpe Widekindea natae, quaedam tradentis in pago Mersthem. Ad familiam ergo Widekindeam eum spectasse, ex hoc atque ex illo momento fit probabile, quod idem *Hrotbwerus*, testante §. 265, in eiusdem pagi Mersthem villa Munuslo, quae villa Muntzel est in principatu Calenbergico, quaedam tradiderit, cuius vero filius ipse fuerit, an Walberti, an Thiadrici, an Hrotwardi, ostendere non licet.

De villa Wuringereshusen, et de progenitoribus comitum de Lutterberg.

(O) Villa *Wuringereshusen* distinguenda est a *Waringereshusen*, quae in nostro *Registro* ponitur in pago Logne, illa vero collocatur in *pagum Hliso*. Pagus *Logne* erat in principatu Göttingensi circa urbem Göttingam; pagus *Hliso* autem in praefecturis Westerhof, Stauffenburg atque Hertzberg et circa urbem Osterodam. Per *Wuringereshusen* ergo designatur Wiershausen in praefectura Westerhof. Vnde coniequitur, *Hemmonem*, *Helmricum*, *Alerdagum*, *Aldricum*, (quod nomen contractum videtur ex Adalrico, ut dux Ostfalarum Helli Adalric appellabatur) et *Folchardum* in pago Hliso possedisse bona quaedam. An hi quinque fuerint fratres, non definiunt traditiones. Fuisse ipsos autem consanguineos, ex donis fit admodum probabile. Quodsi porro ponamus, eosdem fuisse fratres, tunc eorum pater fuit *Deddi* et mater *Albe*. Hoc patet ex §. 130, in quo eadem *Albe* pro anima Geldulfi (fortasse eius fratris) et viri sui *Deddi* et filii sui *Folchardi* tradit, quiddid possederat in Bernhardeshusen in eodem pago Hliso. De *Folchardo* isto indicium faciunt sine vilo dubio traditiones, siquidem (§. 238.) referunt, dedisse illum in Hrodbertheshusen villa pagi Hliso, quiddid ibi possederat. *Folchardus* quidam (§. 304.) pro filio suo *Folchardo* in Steynhem villa in pago Logne, quae est vicus Stein haud procul a castro Plesse, quod vno milliari ab vrbe Göttinga abest, XL iugera tradiderit, *Folchardum* illum pro nepote *Deddi* atque *Albe* reputamus; probabilissime autem eiusdem *Deddi* pronepos fuit *Folchardus*, qui, testante §. 467, in villa Adololdeshusen in pago Hritiga, quae verisimiliter est Ahlshusen vicus, haud procul a Calefelda in praefectura Stauffenburg in Principatu Wolferbuttelensi situs, pro vxore sua *Suaneberg* dedit XXX iugera et vnum iurnalem. Huius *Folchardi* III patruus videtur fuisse *Waldred*, pro quo eius vxor *Bertha*, testante §. 308, tradidit, quiddid possederat, in Verthi villa pagi Hliso. Haec villa nunc vocatur Vörste, haud procul ab Osterode oppido sita. Eandem *Bertham* videntur memorare traditiones, vbi (§. 310.) referunt, dedisse *Siccam* pro matre sua *Bertha* IX iugera et X iurnales in villis Suliggi, Neghenborne et Getlithi. Inter has villa Suliggi ponitur in pago Logne, quae Solingen videtur esse in praefectura Usler inter Kamerborn et Usler ad fluuium, dictum *die Aal*. Neghenborne vero erat in pago Suilbergi, vicus Negenborn nunc intra praefecturam *Saltz der Hellen* in Principatu Grubenhagico haud procul a flumine Leina supra Grenam. Getlithi autem ponitur in pago Hliso. Getlithi, sine vilo dubio est

Gir-